

YMDDIRIEDOLAETH ELUSENNOL YNYS MÔN

PWYLLGOR:	PWYLLGOR GRANTIAU CYFFREDINOL
DYDDIAD:	13 GORFFENNAF 2016
TEITL YR ADRODDIAD:	GRANTIAU BLYNYDDOL 2016/17
PWRPAS YR ADRODDIAD:	AMLINELLU'R CEISIADAU GRANT AM 2016/17
ADRODDIAD GAN:	TRYSORYDD YMDDIRIEDOLAETH ELUSENNOL YNYS MÔN
GWEITHREDU:	CYTUNO AR DDYRANNU GRANTIAU AM 2016/17

1. Ym mis Mawrth eleni, rhoddwyd hysbysebion yn y wasg leol yn gwahodd ceisiadau grant gan fudiadau gwirfoddol a mudiadau eraill. Defnyddwyd ffurflen gais safonol ar gyfer yr Ymddiriedolaeth Elusennol Ynys Môn yn ogystal â'r Gronfa Degwm. Y dyddiad olaf derbyn ceisiadau ar gyfer blwyddyn ariannol 2016/17 oedd 6 Mai 2016.
2. Pan dderbynnir y ceisiadau gan Swyddogaeth Adnoddau y Cyngor Sir, maent yn cael eu prosesu ac wedyn eu cyfeirio at y gwasanaeth perthnasol ac i'r gronfa berthnasol.
3. Pwrpas yr adroddiad hwn yw ystyried y ceisiadau hynny sy'n berthnasol i Ymddiriedolaeth Elusennol Ynys Môn. Bydd y ceisiadau sy'n berthnasol i Gronfa'r Degwm yn cael eu hystyried gan Gyngor Sir Ynys Môn, nid yr Ymddiriedolaeth hon.
4. Gwneir dyraniadau yn flynyddol o'r Pwyllgor yma i'r mathau canlynol o brosiectau:-

Cyfleusterau Cymunedol a Chwaraeon (prosiectau cyfalaf bach)
Grantiau Eraill (grantiau bychain unwaith ac am byth yn bennaf)
5. Yn ei gyfarfod ar 27 Ionawr 2016, penderfynodd yr Ymddiriedolaeth lawn ddirprwyo cyllideb o £125,000 i'r Pwyllgor hwn ar gyfer y rhaglen grantiau blynyddol. Yn ogystal, penderfynodd yr Ymddiriedolaeth lawn byddai dyrannu grantiau i sefydliadau unigol yn amodol ar gymeradwyaeth yn Ymddiriedolaeth Elusennol lawn. Uchafswm y grant mewn perthynas a Grant Cyfleusterau Cymunedol a Chwaraeon yw £8,000 a hyd at 70% o'r gost dilys. Fodd bynnag, yn ei gyfarfod ar 21 Ebrill 2011, penderfynodd yr Ymddiriedolaeth lawn i roi hyblygrwydd i'r Pwyllgor hwn godi'r uchafswm a'r gyfradd o gefnogaeth yn wyneb y ceisiadau a ddeuai i law.
6. Mae swyddogion perthnasol o fewn Cyngor Sir Ynys Môn wedi ystyried a blaenoriaethu'r ceisiadau a dderbyniwyd cyn belled ag y bo modd ac yn gyson gyda phenderfyniadau'r Ymddiriedolaeth a meini prawf a sefydlwyd yn y gorffennol. Mae argymhellion y swyddogion i'w gweld yn Atodiad A o'r adroddiad hwn. Mae system gyfeirio ar y cyd wedi cael ei sefydlu ar gyfer y ddau fath o grantiau a gyflwynwyd i'r Pwyllgor hwn ac ar gyfer ceisiadau am arian o'r Gronfa Degwm; bydd unrhyw fylchau yn y cyfeirnodau i'w priodoli i'r ffaith bod y grantiau hynny wedi cael eu cyflwyno i'r Gronfa Degwm yn hytrach na'r Ymddiriedolaeth hon.
7. Mae'r ceisiadau yn cael eu hystyried yn unol â'r 'Meini Prawf ar gyfer Dosbarthu Grantiau o Ymddiriedolaeth Elusennol Ynys Môn', ac mae copi yn Atodiad B.
8. Mae Atodiad A yn delio â grantiau dan y pennawd 'Cyfleusterau Cymunedol a Chwaraeon' arferol. Yr argymhelliad yw cefnogi grantiau i geisiadau sy'n gymwys ar raddfa 70% o'r gost dilys, hyd at uchafswm o £8,000. Byddai hyn yn costio cyfanswm o £47,910 os yw argymhellion y swyddogion yn cael eu derbyn. Hefyd, mae rhai ceisiadau i'r Pwyllgor yma benderfynu, ac os ceith rhain i gyd eu hargymell, byddai hyn yn costio £38,620, a fyddai'n golygu fod cyfanswm a ddyanwyd ar gyfer 2016/17 yn £86,530.

	ARFAETHEDIG 2016/17		GWIRIONEDDOL 2015/16	
	£	Nifer	£	Nifer
Cyfleusterau Cymunedol a Chwaraeon (Atodiad A)	47,910	12	102,766	26
Y Pwyllgor i benderfynu	38,620	10		
	86,530	22	102,766	26

Bydd Swyddogion ar gael yn y cyfarfod i gynghori ar yr argymhellion a cynnigir yn Atodiad A.

10. Y PENDERFYNIADAU SYDD EI ANGEN

(a) I ystyried ac i gymeradwyo neu wrthod y ceisiadau a ddangosir yn A.

Cyf. Ref.	Enw'r Mudiad Name of Organisation	Pwrpas y Cais Purpose of Application	Cost Cost	Cais am Request	Sylwadau Remarks	Swm a Awgrymir Sum Suggested (£)
01	3D KIDS	I hwyluso gweithgareddau cymdeithasol i blant ac oedolion (0-25) a'u teuluoedd <i>To facilitate social activities for children & adults (0-25) and their families</i>	Heb ei Nodi Not Stated	£3,000		£2,100
02	CLWB PÊL-DROED HOTSPUR FOOTBALL CLUB	Adnewyddu'r man gwylwyr <i>Refurbish spectator area</i>	£5,904	£5,704	Nid yw'r mudiad wedi cyflwyno gwybodaeth am berchnogaeth y tir. <i>The association has not submitted information regarding ownership of the land.</i>	Y Pwyllgor i benderfynu/ Committee to decide
03	YNYS MÔN A GWYNEDD RELAY FOR LIFE GWYNEDD & ANGLESEY	Cost cynnal y weithgaredd sy'n cymryd lle ar 9 a 10 Gorffennaf. Mae arian a godir yn cyfrannu tuag at strategaethau ymdopi â cancr, cefnogaeth seicolegol ac ymarferol. <i>Costs for hosting the relay event which takes place on the 9th and 10th July. The funds raised contribute to coping with cancer strategies, psychologic and practical support.</i>	£4,500	£1,000	Mae Relay for Life yn rhan o'r Elusen Ymchwil Cancr, nid yw'r ras ei hun yn elusen. <i>Relay for Life is a part of the Cancer Research Charity the relay itself is not a registered charity.</i>	£1,000
04	CLWB CABAN RHOSCOLYN	Offer chwarae tu allan, offer garddio, ffram ddringo, sleidiau, beiciau, scwteri, offer chwarae dwr a tywod a deniau. <i>Outside play equipment, gardening equipments, climbing frame, slides, trickes, scooters, water and sand play and dens</i>	£3,000	£3,000	Heb gyflwyno prisiau./ <i>Have not submitted estimates</i>	DIM/ NIL
05	GRŴP CYMUNEDOL A CHARNIFAL PORTHAETHWY/ MENAI BRIDGE COMMUNITY AND CARNIVAL GROUP	I brynu pabell a system "pa". <i>To purchase marquee and pa system</i>	£2,500	£2,500		£1,750
06	PARTI MEIBION BARA BRITH	Cymorth i dalu am greu crynoddsg./ <i>Funding to create CD</i>	£1,000	£500	Heb gyflwyno prisiau na pholisïau./ <i>Have not submitted estimates or policies.</i>	DIM NIL

07	CYNGOR CYMUNED LLANFAIRMATHAFARNEITHAF COMMUNITY COUNCIL	Uwchraddio System Teledu Cylch Cyfyng/ <i>Upgrade CCTV system</i>	£52,449	£15,000	Nid yw cynlluniau sy'n fwy na £30,000 yn gymwys am ystyriaeth./ <i>Schemes in excess of £30,000 are not eligible for consideration.</i>	DIM NIL
08	GRŴP CYNEFIN	Darparu Wardeiniaid Ynni Cymunedol./ <i>Provide Community Energy Wardens</i>	£68,992	£3,000	Ddim yn gymwys/ <i>Not eligible</i>	DIM NIL
09	CLWB PELDROED UNEDIG BAE TREARDDUR TREARDDUR BAY UNITED FOOTBALL CLUB	Prynu cyfleuster storio./ <i>Purchase storage container</i>	£2,640	£2,200		£1,848
14	BRYNGWRAN CYMUNEDOL CYF/LTD	Adnewyddu toiled a chegin a dodrefnu ystafell aml-bwrpas./ <i>Refurbish toilet and kitchen and to furnish utility room.</i>	£5,000	£3,000		£3,000
15	ADLAIS	Cymorth i gynnal cyngerdd dathlu pen- blwydd y côr yn 25 oed./ <i>Support to fund a 25 year anniversary concert</i>	£1,500	£1,500	Ddim yn gymwys/ <i>Not eligible</i>	DIM NIL
16	CLWB PÊL DROED LLANGFNI FOOTBALL CLUB	Offer ar gyfer cynnal a chadw cyfleusterau y clwb pêl droed./ <i>Equipment towards maintenance facilities of the Football club.</i>	£6,102	£6,000		£4,271
17	PANTRI 6	Cyllid ar gyfer arwyddion, paentio, gostwng y nenfwd, inswleiddio, inswleiddio waliau, gwres canolog, gosod toiled i'r anabl, tudalen we a chyflog am un swydd./ <i>Funding for signage, painting, lower ceiling, insulation, insulate walls, central heating, install disabled toilet, web page and salary for one.</i>	£115,000	£8,000	Canolfan galw i mewn ar gyfer y di- waith a'r enillwyr cyflog isel gyda mynediad i gyfrifiaduron i gynorthwyo gyda cheisiadau am fudd-daliadau a chwilio am swyddi. Mae'r cwmni wedi sicrhau grantiau o £105,000 tuag at y cynllun./ <i>A drop in Centre for unemployed and low paid earners with access to computers to assist with benefit claims and job search. The company have secured grants totalling £105,000 towards the project.</i>	£8,000
18	NEUADD GOFFA PENTRAETH MEMORIAL HALL	Gostwng y nenfwd a gosod goleuadau./ <i>Lower ceiling and install new lighting.</i>	£4,453	£3,500		£3,117

19	NEUADD GOFFA BODEDERN MEMORIAL HALL	Atgyweirio'r Neuadd drwy osod ffenestri newydd/berwr dŵr/stôf ac ymestyn y maes parcio./ <i>Refurbishments to the Hall to include replacement windows/boiler/stove and extend the parking ground</i>	£8,260	£8,000	Mae cyflwr y neuadd wedi dirywio ac mae angen ehangu delwedd a chyflwr yr adeilad. Bydd y Neuadd a'r pentref yn ganolbwynt sylw pobl o bob cwr o Gymru flwyddyn nesaf pan gynhelir yr Eisteddfod Genedlaethol ym Modedern./ <i>The condition of the hall has deteriorated and improvements need to be made to the image and condition of the building. The village and the hall will be the focus for people from across the whole of Wales next year when the National Eisteddfod will be held at Bodedern.</i>	£5,782
20	CYNGOR CYMUNED LLANNERCHYMEDD COMMUNITY COUNCIL	Diogelu safle Rhandiroedd i'r Gymuned yn unol a gofynion y Les ac amodau lechyd a Diogelwch./ <i>Make safe the Community Allotments in accordance with lease requirements and Health and Safety conditions.</i>	£3,000	£2,250	Nid yw'r Ymddiriedolaeth wedi bod yn y gorffennol yn ystyried ceisiadau am ffensys heblaw am resymau iechyd a diogelwch. Mae'r Cyngor yn nodi mai pwrpas y cais yw diogelu'r tir yn unol â gofynion rheoliadau lechyd a Diogelwch. Wedi llwyddo i dderbyn 1 pris gan Gwmni Arbenigol ac yn ceisio am ail i'w gyflwyno mor fuan ag y derbynnir ef./ <i>The Charitable Trust has not in the past given funding for fencing other than for reasons of Health and Safety. The Council has noted on the application that fencing is required for Health and Safety compliance. Have succeeded to gain one estimate from a specialist company and are seeking to obtain a second which will be submitted as soon as received.</i>	Y Pwyllgor i benderfynu/ The Committee to decide.

21	CLWB PÊL-DROED CEMAES FOOTBALL CLUB	Llifoleuadau./ <i>Floodlights</i>	£48,000	£8,000	Wedi gwneud cais am grant o £24,000 gan Clwb Padrig ond heb ei ddyfarnu eto./ <i>Have made an application for £24,000 to "Clwb Padrig" but has not yet been awarded.</i>	£8,000 Gydag amod o dderbyn y grant gan Glwb Padrig/With the condition of securing the grant award from Clwb Padrig
22	CLWB GYMNASTEG YNYS MÔN/ ANGLESEY GYMNASTICS CLUB	Prynu offer dogelwch./ <i>Purchase safety equipment</i>	£1,350	£1,000	Cais i brynu matiau diogelwch a blociau. Wedi cyflwyno un amcangyfrif ar gyfer yr eitemau gan 2 gyflenwr ac yn nodi ar y cais mai'r cwmnïau hyn yw'r unig gyflenwyr yn y DU. Mae'r Clwb wedi derbyn grant VVP o £40,505 gan Gyngor Sir Ynys Môn. <i>Application to purchase safety mats and blocks. Have supplied one estimate for each item from two companies and have noted on the application that these companies are the only suppliers in the UK. The Club has been awarded a VVP grant of £40,505 from the Isle of Anglesey County Council.</i>	Pwyllgor i benderfynu/ Committee to decide

23	PARTNERIAETH ADFYWIO MORAWELON A Ffordd LLUNDAIN (MORLO) MORAWELON AND LONDON ROAD REGENERATION PARTNERSHIP (MORLO)	I ddatblygu gardd/rhandir cymunedol ar dir ynghlwm i Ganolfan Gymunedol Gwelfor./ <i>To develop a Community Garden/ allotment on land attached to Gwelfor Community Centre.</i>	£5,631	£3,753	Nid yw'r Ymddiriedolaeth wedi bod yn y gorffennol yn ystyried ceisiadau am ffensys heblaw am resymau iechyd a diogelwch. Mae'r cais yn nodi mai pwrpas y cynllun yw diogelu gardd/rhandir y gymuned drwy godi ffens o amgylch y safle. <i>The Charitable Trust has not in the past given funding for fencing other than for reasons of Health and Safety. The application states the details of the proposed scheme is to make secure the community garden/ allotment by erecting fencing around the area.</i>	Pwyllgor i benderfynu/ Committee to decide
24	PWYLLGOR MONTAGE COMMITTEE	Ar gyfer trefnu Gŵyl un-dydd Ysgrifennu Môn./ <i>To organise one day Ynys Môn Writing Festival</i>	£1,500	£250	Byddai ceisiadau o'r math yma yn y gorffennol wedi cael eu cyfeirio at Gronfa Grantiau Bychan Adran Diwylliant ond mae'r gyllideb bellach wedi ei diddymu./ <i>Grants of this nature would have in the past been directed to the Small Grants held by the Culture Department but the budget has now been abolished.</i>	Pwyllgor i benderfynu/ Committee to decide
26	CYMDEITHAS CAEAU CHWARAE LLANFAES PLAY AREAS ASSOCIATION	Offer i greu safle chwarae./ Equipment to create play area	£23,000	£7,120	Mae gan y Gymdeithas lai na 21 mlynedd o les ar y tir (13 blwyddyn). Mae'r Gymdeithas wedi derbyn gwerth £15,000 o grantiau. Yn gymdeithas newydd ei ffurfio felly nid oes cyfrifon archwiliedig./ <i>The Association has less than 21 years on the lease of the land (13 years). The Association have secured grants totalling £15,000. A newly formed Association, therefore, no audited accounts.</i>	Pwyllgor i benderfynu/ Committee to decide

27	CYNGOR CYMUNED BRYNGWRAN COMMUNITY COUNCIL	Ffens ychwanegol ar gae chwarae Bryngwran./ <i>Additional fencing for the Bryngwran playing field.</i>	£3,607	£3,107	Wedi derbyn grant gan yr Ymddiriedolaeth yn 2014/2015, felly, ddim yn gymwys./ <i>Received a grant from the Charitable Trust in 2014/2015, therefore, not eligible.</i>	DIM NIL
28	CRAFTY T'ARTS	I brynu offer storio addas/ <i>To purchase storage products</i>	£1,489	£1,489	Wedi cyflwyno un amcangyfrif gan mai'r cwmni hwn yw'r unig gynhyrchwr sydd â chynnyrch priodol i'w gofynion. Heb gyflwyno cyfrifon archwiliedig gan eu bod yn y broses o apwyntio archwiliwr./ <i>Have submitted one estimate as the company is the only manufacturer of storage most appropriate to their requirements. Have not included audited account as they are in the process of appointing an auditor.</i>	£1,042
29	CYNGOR CYMUNED MOELFRE COMMUNITY COUNCIL	Prynu offer newydd i'r maes chwarae ac adnewyddu safle tenis i gydymffurfio â gofynion Iechyd a Diogelwch./ <i>Purchase equipment for the play area and renew the tennis area in order to comply with Health and Safety requirements.</i>	£11,089	£8,000	Ddim yn gymwys gan eu bod wedi derbyn grant yn 2014/2015/ <i>Not eligible as they received a grant in 2014/2015.</i>	DIM NIL

30	CRONFA FFENESTRI LLIW EGLWYS SANTES GWENLLWYFO/ SAINT GWENLLWYFO CHURCH STAINED GLASS FUND	I gyllido cyhoeddiad o lyfr dwyieithog "Trysorau Cudd hidden treasures of Môn" hanes ffenestri lliw Fflemeg, 16 ^{eg} ganrif Eglwys Santes Gwenllwyfo./ <i>To fund the publication of a bilingual book "Trysorau Cudd hidden treasures of Môn on the history of the 16th Century Flemish stained glass at the Saint Gwenllwyfo Church.</i>	£6,000	£3,000	Mae ffenestri'r eglwys yn denu llawer o ymwelwyr i Ynys Môn a'r bwriad yw bydd y llyfr yn cofnodi, dim yn unig hanes y ffenestri, ond hefyd gyd- destun hanesyddol Ynys Môn. Mae'r gronfa wedi casglu £3,475 tuag at y gost o £6,000. Byddai ceisiadau o'r math yma yn y gorffennol wedi ei gyfeirio at Gronfa Grantiau Bychan Adran Diwylliant ond mae'r gyllideb bellach wedi ei diddymu./ <i>The church windows attract many visitors to Ynys Môn and the intention is that the book will record, not only the history of the window,s but also the historical context with Ynys Môn. The fund has raised £3,475 towards the cost of £6,000. Grants of this nature would have in the past been directed to the Small Grants held by the Culture Department but the budget has now been deleted.</i>	Pwyllgor i benderfynu/ Committee to decide
31	CYLCH LLÊN LLANFAIRPWLL LITERACY CIRCLE	Dathlu pen-blwydd y Gymdeithas yn 40 ^{eg} mlwydd oed drwy gynnal gweithgareddau./ <i>Celebrate the 40th anniversary of the Association by holding various activities</i>	£1,885	£1,585	Byddai ceisiadau o'r math yma yn y gorffennol wedi cael eu cyfeirio at Gronfa Grantiau Bychan Adran Diwylliant ond mae'r gyllideb bellach wedi ei diddymu./ <i>Grants of this nature would have in the past been directed to the Small Grants held by the Culture Department but the budget has now been deleted.</i>	Pwyllgor i benderfynu/ Committee to decide

32	CYMDEITHAS HEN OFFER YNYS MÔN ANGLESEY VINTAGE EQUIPMENT SOCIETY	I brynu “portaloo” hefyd dodrefn a gosodiadau i’r ystafell gyfarfod/hyfforddi./ <i>To purchase “portaloo” also furniture and fittings for meeting/training room.</i>	£23,025	£23,025	Wedi cyflwyno cyfrifon heb eu harchwilio. Heb gyflwyno polisïau./ <i>Have submitted un-audited accounts. Have not submitted policies.</i>	Pwyllgor i benderfynu/ Committee to decide
33	CYMDEITHAS Y BYDDAR GOGLEDD CYMRU NORTH WALES DEAF ASSOCIATION	Ailwampio Uned Symudol CyBGC i hwyluso offer gynorthwyol a sesiynau 1:1 yn yr uned./ <i>To refit the NWDA Mobile Unit in order to facilitate assistive equipment and 1:1 sessions in the unit.</i>	£74,908	£12,000	Nid yw’r cais yn cynnwys 2 ddyfynbris am y gwaith, fodd bynnag, fe ystyrir ailwampio’r uned symudol yn faes arbenigol o waith ac, er gwaethaf nifer o geisiadau i gael gafael ar gwmni arall, yn lleol ac ymhellach, nid yw’r sefydliad wedi cael hyd i neb sydd hefo’r arbenigedd na sy’n fodlon i ddarparu ail ddyfynbris./ <i>Application does not include 2 estimates for the work, however, the refit of the mobile unit is considered a specialist area of work, and despite numerous attempts to find another company, local and further afield, the organisation has been unable to find anyone who has the expertise or is willing to provide a second quote.</i>	£8,000
34	CÔR IEUENCTID MÔN YOUTH CHOIR	Ar gyfer cyllido Swydd cydlynnydd Gweinyddol rhan-amser/ <i>For the purpose of funding a part-time Administrator Co-ordinator.</i>	£10,000	£8,000	Ddim yn gymwys oherwydd nad yw’r Ymddiriedolaeth yn cefnogi costau cyflogi/ <i>Not eligible as the Trust does not support salary costs</i>	DIM NIL
36	CLWB HWYLIO BRENHINOL MÔN ANGLESEY ROYAL SAILING CLUB	Tuag at brynu cwch diogelwch/ <i>Towards the purchase of a safety boat</i>	£14,400	£8,000	Clwb Chwaraeon gydag aelodau yn talu ffi aelodaeth / <i>Sports club with members paying membership fees.</i>	Pwyllgor i benderfynu/ Committee to decide

38	CANOLFAN UCHELDRE CENTRE	I gynnal rhaglen ganolfan gelfyddydau lawn o ddigwyddiadau, arddangosfeydd, ffilmiau, darllediadau lloeren, gweithdai, clybiau a chymdeithasau./ <i>To provide a full arts centre programme of events, exhibitions, films, satellite broadcasts, workshops, clubs and societies.</i>	£204,012	£8,000	Nid yw cynlluniau sy'n fwy na £30,000 yn gymwys am ystyriaeth./ <i>Schemes in excess of £30,000 are not eligible for consideration.</i>	DIM NIL
39	FFERMWYR IFANC YNYS MÔN YOUNG FARMERS	I ariannu cynllun i wella gwaelodlin sgiliau aelodau'r mudiad er gwella eu cyfleoedd o ran cyflogaeth./ <i>To fund a project to improve baseline skills of members in order to better their opportunities in terms of employment.</i>	£2,940	£2,940	Ddim yn gymwys gan fod y Mudiad yn derbyn, ar hyn o bryd, grant o £30,000 y flwyddyn gan yr Ymddiriedolaeth./ <i>Not eligible as the Association is currently receiving a grant of £30,000 annually from the Trust.</i>	DIM NIL

YR AMODAU AR GYFER DOSBARTHU GRANTIAU O YMDDIRIEDOLAETH ELUSENNOL YNYS MÔN

gan gynnwys amodau penodol ar gyfer grantiau tuag at waith cyfalaf a chyfleusterau cymuned

1. Y RHEINI FEDR HAWLIO GRANT AC AMODAU'R CYMORTH

Rhoddir cymorth ariannol i fudiadau adloniadol, elusennol, diwylliannol a chrefyddol ar Ynys Môn.

- a)** Dim ond dan un category neu ddyraniad y rhoddir cymorth ariannol.
- b)** Ni fydd grantiau'n cael eu rhoddi tuag at waith ar adeiladau eglwys neu gapeli sy'n cael eu defnyddio i bwrpas addoli neu i bwrpas unrhyw enwad.
- c)** Ni ddylid rhoi cymorth grant i brynu offer a dillad i unigolion. Y mudiad ei hun ddylai dalu am yr offer hwn.
- ch)** Ni chaiff cais ei ystyried oni bai bod y mudiad wedi cyflwyno'r cyfrifon perthnasol ac unrhyw wybodaeth arall y gofynnir amdano o bryd i'w gilydd.
- d)** Rhaid amgáu o leiaf dau bris gwahanol gydag unrhyw gais sy'n ymwneud â gwaith adeiladu neu brynu offer.
- dd)** Ni ystyrir ceisiadau fydd yn cyrraedd ar ôl y dyddiad diwethaf a fydd yn derbyn cais.
- e)** Bydd grantiau'n cael eu dyrannu ar sail statws TAW yr ymgeisydd, h.y. os gall ymgeiswyr adennill TAW, yna ni fydd modd cael grant tuag ato. Os yw'r ymgeisydd yn cael grant ar y sail nad yw'n gofrestredig i dalu TAW ond bod pethau'n newid a hwythau'n cael eu cofrestru i dalu TAW ac yn gallu adennill y TAW ar y grant, bydd angen rhoi gwybod i Drysorydd yr Ymddiriedolaeth Elusennol a bydd y TAW yn cael ei ad-dalu i'r Ymddiriedolaeth.

2. GRANTIAU CYFALAF

- a)** Ni ddylid neilltuo dim dan bennawd yr hyn sydd ar gael i wneud gwaith cyfalaf oni bai bod y swm a neilltuir ynghyd ag unrhyw arian arall fo ar gael, yn ddigon i gwblhau'r cynllun o fewn cyfnod amser rhesymol na fydd yn hwy na'r cyfnod a nodir yn (ch) isod.
- b)** Ni ystyrir unrhyw gais am gymorth o unrhyw gronfa os yw'r gwaith y gwneir y cais amdano eisoes wedi cychwyn.
- c)** Ni chaiff cais am ganiatâd i ddechrau gwaith cyn cyflwyno cais am ddyraniad gael ei ystyried oni bai fod swyddog priodol o'r Cyngor wedi tystiolaethu fod argyfwng pendant yn bodoli, a, phan fod caniatâd yn cael ei roi, ni chaiff hyn ei ddehongli fel bod yn rhwymedig ar yr Ymddiriedolaeth i wneud dyraniad pan fydd y ceisiadau am ddyraniadau yn cael eu hystyried.
- ch)** Rhaid cwblhau cynllun cyfalaf o fewn 4 blynedd i ddyddiad dyfarnu'r grant. Bydd unrhyw swm heb ei ddefnyddio ar ôl pedair blynedd ariannol yn cael ei drosglwyddo'n ôl i Gronfa'r Ymddiriedolaeth.
- d)** Bydd angen i'r ymgeiswyr ddangos fod y cynllun yn cwrdd â gofynion technegol y Cyngor Sir.
- dd)** Pan fod angen caniatâd cynllunio, rhaid i'r ymgeiswyr wneud yn siŵr bod y caniatâd hwnnw wedi ei roddi.

- e) Rhaid i'r gwaith fod yn 'agored' fel bod modd i gynrychiolwyr y Cyngor Sir ei archwilio pryd bynnag y dymunent.
- f) Rhaid sicrhau fod y llyfrau a'r cyfrifon ynghylch y gwaith ar gael i gynrychiolwyr y Cyngor Sir gael golwg arnynt, pe dymunent wneud hynny.

2.1 GRANTIAU CYFALAF TUAG AT GYFLEUSTERAU CYMUNED

- a) Mae'r grantiau yma'n berthnasol i Ganolfannau Cymuned a Neuaddau Pentref, cyfleusterau chwaraeon, celfyddydau, treftadaeth a chymdeithasol sydd ar gael am ddim i'r gymuned, neu fod taliadau blynyddol neu achlysurol yn ymarferol.
- b) Bod prawf gwirioneddol o anghenion ariannol a chymdeithasol am y cyfleusterau a bod cefnogaeth leol i'r cais a bod maint a natur y gefnogaeth yn cael ei phenderfynu gan y Cyngor Sir.
- c) Pan fo'n angenrheidiol, bod yr ymgeiswyr (y gymdeithas/corff) â thystiolaeth o ddaliadaeth ar y tir neu'r adeilad y gofynnir am grant iddo a'r ddaliadaeth honno, fel arfer, am gyfnod sy'n o leiaf 21 mlynedd.

Yng nghyswllt adeiladau symudol, bydd daliadaeth o saith mlynedd yn cael ei ystyried yn ddigonol.

Yn achos caeau chwaraeon, bydd tystiolaeth o ddefnydd sefydlog dros gyfnod o 10 mlynedd neu fwy yn dderbyniol yn hytrach na thystiolaeth o ddaliadaeth.

- ch) Bod yr ymgeiswyr yn gallu dangos y gallent gwrdd â'r costau cynnal am o leiaf dair blynedd ar ôl dyrannu'r cymhorthdal (gan ystyried unrhyw grantiau sydd ar gael).
- d) Ni fydd cyfleusterau, os cawsant grant yn y ddwy flynedd a aeth heibio, yn cael eu hystyried oni phrofir iddo gael ei nodi yn y cais gwreiddiol y rhoes y Cyngor Sir ei gymeradwyaeth iddo fod y datblygiad yn un fesul cam dros gyfnod o amser.
- dd) Nid yw cynlluniau sy'n fwy na £30,000 yn gymwys i'w hystyried ond, os yn briodol, gellir eu cyfeirio at Gynllun Grantiau i Gynlluniau Mawr y Loteri Cenedlaethol, os bydd y Cyngor Sir yn sefydlu cronfa o'r fath.
- e) Ni roddir grant ar gyfer darpariaeth gyffelyb yn yr un gymuned oni bai fod amgylchiadau eithriadol yn gofyn am ystyriaeth arbennig y Cyngor.
- f) Bydd angen i'r ymgeiswyr ddangos bod y defnydd mwyaf posib yn cael ei wneud o'r cyfleusterau a ddarperir.
- ff) Rhaid i'r ymgeiswyr gwrdd ag unrhyw wahaniaeth rhwng y grant a chostau'r cynllun wrth fodd y Cyngor Sir ac o fewn 12 mis i dderbyn y cynnig amodol o grant.
- g) Bydd gan y Cyngor hawl i dynnu'r cynnig yn ôl os meddylir nad yw'r ymgeiswyr wedi gwneud ymdrech i symud ymlaen â'r cynllun.
- ng) Rhaid codi yswiriant i'r cyfleusterau fel bod modd darparu rhai eraill yn eu lle pe caent eu difrodi neu eu difetha'n llwyr gan dân neu gan unrhyw achos arall.
- h) Ni chaniateir defnyddio'r grantiau na'r cyfleusterau sy'n derbyn grant at bwrpas sy'n wahanol i'r pwrpas hwnnw y rhoddwyd iddo grant oni fydd y Cyngor Sir wedi rhoddi ei ganiatâd i'r pwrpas gwahanol a, phe gwneid defnydd newydd o'r cyfleusterau neu pe ceid gwared â nhw, yna mae'n bosibl bydd y Cyngor Sir yn gofyn am ran neu'r cyfan o'r grant yn ôl.
- i) Wedi i'r cynllun dderbyn caniatâd, ni fydd modd ei newid, ac eithrio yn achos newidiadau bychain, heb yn gyntaf dderbyn caniatâd y Cyngor Sir, a, phe cai'r cynllun ei newid heb awdurdod, efallai bydd y Cyngor Sir yn gofyn am ran neu'r cyfan o'r grant yn ôl.

- I) Ni fydd modd symud ymlaen gyda datblygiadau ar y cyd na gyda chynlluniau ar y cyd onid yw'r holl awdurdodau eraill sy'n rhan o'r datblygiad/cynllun yn cynnig sicrwydd pendant o'u cefnogaeth. Mae hyn yn berthnasol yn enwedig lle mae ceisiadau Loteri, Ewrop a'r Cynulliad yn cael eu hystyried neu'n ffurfio rhan o'r cais.
- II) Os rhoddir grant tuag at lecyn chwarae, bydd rhaid i'r Cyngor Cymuned perthnasol drefnu i gael archwiliad blynyddol o'r offer, gan berson cymwys, i sicrhau ei fod yn parhau i gwrdd â gofynion y Safonau. Os nad yw'n cyfarfod y Safonau, bydd gofyn i'r Cyngor Cymuned weithredu ar y gwelliannau a argymhellir.

Ni ystyrir cais arall am grantiau oddi wrth Cyngor Cymuned i ddatblygu rhagor ar lecyn chwarae hyd nes bydd y gwaith angenrheidiol wedi ei gwblhau.

Bydd gan y Cyngor Sir hawl i ofyn am dystiolaeth fod yr archwiliad blynyddol a'r gwaith cynnal a chadw yn cael ei wneud.

3. MUDIADAU CHWARAEON

- a) Ystyrir rhoi cymorth ariannol tuag at y canlynol:-
 - i) Cymorth tuag at y costau teithio hynny a gaiff cynrychiolwyr wrth fynychu cystadlaethau rhanbarthol, cenedlaethol a rhyngwladol.
 - ii) Cymorth hefo costau hyfforddiant safon uchel i unigolion a doniau mewn chwaraeon pan na fo'r hyfforddiant ar gael yn lleol.
 - iii) Gwella a chynnal adeiladau a thiroedd a gofalu am offer.

4. CEISIADAU AM GYMORTH ARIANNOL I GYHOEDDI LLYFRAU

- a) Rhaid rhoddi sylw pennaf i'r cwestiwn hwn - a fydd y cyhoeddiad yn berthnasol ac o fudd i Ynys Môn. Rhaid i'r llyfr gynnwys o leiaf un o'r ystyriaethau isod:-
 - Bod yn berthnasol o safbwynt diwylliant neu hanes Ynys Môn;
 - Cymorth i ddatblygu twristiaeth;
 - Gwerth addysgol - yn briodol i fyfyrwyr ei ddefnyddio;
 - Ei ddefnyddio yng ngweithgareddau datblygu economaidd y Cyngor;
 - Cymorth i hyrwyddo datblygiad yr Iaith Gymraeg a pholisïau dwyieithrwydd.
- b) Rhaid i'r pwnc fod yn un newydd ac, yn ogystal, rhaid sicrhau bod ganddo apêl eang. Os nad yw'n bwnc newydd, rhaid bod agwedd newydd iddo.
- c) Ni roddir unrhyw gyfraniad i unigolion sydd wedi derbyn cymorth ariannol gan Gyngor Llyfrau Cymru. Dylid gwneud cais i'r Cyngor Llyfrau Cymru yn y lle cyntaf.

5. CATEGORïAU NA CHÂNT EU HYSTYRIED

- a) Ni ystyrir rhoddi cymorth ariannol i Gyngorau Cymuned oni wneir hynny o'r Gronfa Cyfleusterau Cymuned.
- b) Ni ellir ystyried tai capel, ficerdai nac adeiladau cyffelyb.

